

COMUN

Racoiüda dl refodam da tosser en lönesc, ai 16 de ma, dales 10.00 ales 11.00 a San Martin dan le magazin di Stödafüch.

SANITÉ

Le dotur Eduard Agreiter é demez dai 16 ai 20 de ma y vëgn sostituì dala doturia Grete Mahlknecht (0474 523 018 o 349 06 67 034).

La doturia Grete Mahlknecht é demez dai 23 ai 27 de ma y vëgn sostituida dal dutur Santonicito, Al Plan, 351 92 08 697.

SAN MARTIN Y LUNGIARÜ

I Seniors da Lungiarü y San Martin/Antermëia é dër bel invia ala jita de ma, le mertesc, ai 24 de ma. I jun a Balsan a ti ciaré al implant idroelettrich "St. Anton" y spo cun le lift sö Kohlern a marëna. Ma 25 pó ji a ti ciaré al implant. I atri pó ji tratan tl museum Ötzi o tl museum dla natöra. Le bus pëia ia dales 07.30 a Lungiarü y dales 07.45 a San Martin. Bus, lift y museum vëgn paia dales Unions, le rest se paia i seniors instësc. Osservanza dles regoles Covid y se tó do la mascherina! Prenotaziuns cina en mercui, 18 de ma, dales 12.00, pro Renate Tatz 342 32 79 406.

LUNGIARÜ

Cun ligrëza tolunse ite i mituns y les mitans dla pröma comuniun te nosta comunité incër la mësa dl alté al past dl Signur, a chël ch'al invieia pici y gragn. Gejú dij pó tl vangele do Lüca (22, 15): I m'á dër dejdré da tigní chësc past cun os. Insciö ti audunse ai mituns y ales mitans dla pröma comuniun, y ince a nos, na bela incuntada sintida cun Gejú y inanter nos y na bela festa che ti restes imënt por dōta la vita a chisc pici: Estelle, Edward, Sabrina, Armin, Alissa Clara, Alissa Sorà, Adrian, Emily, Jonathan y Pia.

En bel dilan dles ofertes por la dljia en recordanza dla defunta Emilia Frenes dala familia da Mazchel y dal Consëi de Cöra.

La Uniun di Èi da Lungiarü: Incö, domënia, 15 de ma, toma le termo da se prenoté por le peregrinaje a Weißenstein en domënia ai 22 de ma. I piun ia dales 06.45 dala plaza sura scora y rovun a ciasa dales 17.00. La Mëssa é dales 10.00, marëna dales 12.00 y söl iade derevers storjunse pro a Neustift. Le cost por le bus é de 17 € por i gragn y 10 € por chi sot a 18 agn. Prenotaziuns pro Dolorico Mischi 347 94 70 133.

Uniun dles Patrones dla Val Badia: Incö domënia, 15 de ma, toma le termo da se prenoté por le iade a Parco Giardino Sigurtà a Valeggio sul Mincio, dlungia le Lech de Garda. Le iade vëgn organisé cun les patrones de dōta la Val Badia por i 19 de ma. I piun ia incër les 6.30 da Picolin. Por informaziuns plü menüdes y se prenoté cherdede sö Verena 340 34 55 675. Präibel tolësse cun os le mascherot FFP2.



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

15.05. - 22.05.22 nr. 25

ultimo termo por comunicaziuns: jöbia, dales 20.00

5ª DOMÈNIA DE PASCA - C

Vangele do Jan 13, 31–33a.34–35

Canche Iüda s'un ê jü fora, à Gejú dit:

Śëgn é le Fi dl Om glorifiché,

y Idî é glorifiché te ël.

Sce Idî é glorifiché te ël,

saral ince Idî che le glorificarà te sè instës

y al le glorificarà defata.

Mi mituns, i sun mâ plü püch tēmp pro os.

N comandamēt nū ves dà:

Oresse bun un al ater!

Sciöche iö ves à orü bun,

insciö dësses ince os s'orëi bun.

A chësc conesciarà düc ch'i sëis mi discepui:

sc'i s'orëis bun un al ater.

Cun l'amur un por l'ater dessun fá reclam por Gejú.

Cun l'amur un por l'ater dessun mostré sciöche ël é.

Mo vigni de y tres danü junse a sbüja cun chësc comandamēt.

Canche Gejú baia dl amur y de so comandamēt se pël saurí y lisier.

Sües parores nes jora ados sciöche la fortuna, ares nes dá lisirëza y pesc.

Mo sc'i porvun da les pié sö se sáres indere pesoces,

dailó devënteres plü n'amonimēt co n comandamēt.

Sc'i ne s'orun nia bun, él la jënt, che vëiga sciöch'i s'astilun,


che ne desprijëia y ne coiona nia ma nos cristians,


mo ince Gejú che nes á dé chësc comandamēt.

Sc'i strabaciun l'amur, rovinunse ci che ti é le plü prezios a d'ël.

Sc'i ne praticun nia l'amur, ti dunse dërt a chi che s'á ot demez da d'ël

y che s'un vá demez sciöche lüda. T.D.



EDEMA	SAN MARTIN	LUNGIARÜ	<i>Dal sot dl cör öi cianté na ciantia de lauda da scomencé le de, y de nôt öi ponsé al'alianza cun mi Dî. Da mëte man dôt ci ch'i feji, canch'i pëii ia y vëgni indô, canch'i lê y vá a me pone: öi trá cighi de ligrëza dan da mi Dî. Dal sot dl cör öi cianté na ciantia de lauda. Ince tla meseria plü foscia de mi cör öi baié bun de d'ël deach'al é demorvëia. Dal sot dl cör öi cianté na ciantia de lauda. Ince sce la desperaziun me salta ados, öi le laldé deach'al m'á salvé. Mia fede te ël öi desmostré. Te süa grazia öi m'injopé ite düc i dis de mia vita. dai Andri de Qumran</i>  <i>Bel Dî, benedëscesse cun la pesc te nos instësc. Benedëscesse cun la pesc che nes dëida conësce olach'al é strit y crudelté. Benedëscesse cun la pesc ch'i podun fá cun chi che é cuntra nos. Benedëscesse cun la pesc che unësc la jënt cun te y danter ëra.</i>
15.05.22 5ª DOMËNIA DE PASCA <i>Sofia</i>	- La corona dijunse do mëssa 8.15 Gran Mëssa por la Comunité + + Siur Angel Morlang y siur Franz Sottara + Tone Tolpeit (dl ann) + Giovanni Flöss 19.30 Corona de ma sö Ju	Festa dla Pröma Comuniun 9.30 Ingres dala scora Mëssa da festa por i neocomunicanc 15.00 Corona tla capela de S. Ojöp Fr.	
16.05.22 Lönesc <i>Jan Nepomuk, Ubald</i>	19.30 Corona de ma a Picolin		
17.05.22 Dedolönesc <i>Dietmar, Emilian, Walter</i>	19.00 Mëssa + + Siegfried Zingerle y Maria Alfreider + Maria Planatscher Trebo		
18.05.22 Dedemesaledema <i>Jan, Felix, Erich</i>	20.00 Corona de ma a Frëina	7.30 Mëssa 3ª de sopoltöra de Emilia Frenes + + Tarejia Clara y Pasquale Wieser + Vittoria Clara, Somvi Corona de ma	
19.05.22 Jöbia <i>Ivo, Zelestin, Cuno</i>	7.30 Mëssa de rengr. y en onú a S. Ojöp da Oies + Paul Vantsch (dl ann) + Helmut Dejaco (dl ann) Corona por vocaziuns 19.30 Corona de ma a Bioch		
20.05.22 Vëndres <i>Bernardin, Elfriede, Valeria</i>	18.30 Adoraziun chîta 19.00 Adoraziun deboriada	7.30 Mëssa de rengraziamënt por na porsona + Roslinda Deiaco	
21.05.22 Sabeda <i>Hermann Josef</i>	20.00 Mëssa prefestia + Pire Sorà (dl ann) + + + Albert, Emma y Artur Conrater + + Guido y Emma Clara	18.30 Mëssa prefestia por la Uniun dles Ères + + dl Toch	
22.05.22 6ª DOMËNIA DE PASCA	9.00 Corona de ma 9.30 Gran Mëssa por la Comunité en onú de Santa Rita da Cascia + siur Franz Sottara + Sciandro Trebo (dl ann) 19.30 Corona de ma sö Ju	7.50 Corona por + Emilia Frenes 8.15 Gran Mëssa por la Comunité 15.00 Corona tla capela de S. Ojöp Fr.	